



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Eginhartvs De Vita Caroli Magni, Animadversionibvs Illvstratvs

Bessel, Friedrich  
Reinhard, Johann Friedrich

Helmeftadii, 1667

Animadversiones Ad Cap. XI.

**urn:nbn:de:hbz:466:1-10996**

per maritum ulcisci posse putabat, juncto foedere cum Hunis, qui Bajoariis sunt ab oriente contermini, non solum imperata non facere, sed bello regem provocare tentabat.

2. † \* Cujus contumaciam, quia nimia videbatur, animositas regis ferre nequiverat, ac \* proinde copiis undiq; contractis, Bajoariam petiturus, ipse ad Lechum amnem cum  
3. \* maximo venit exercitu. † Is fluvius Bajoarios ab Aleman-  
4. nis dividit. † Cujus in ripâ castris collocatis, priusquam provinciam intraret, animum ducis per legatos statuit experiri. † Sed ille pertinaciter agere, nec sibi nec genti utile ratus, supplex se regi \* subjecit, obsides qui imperabantur dedit, (inter quos & filium suum Theodonem) datâ insuper fide cum juramento, quod ab illius potestate  
6. \* nemini defectionem suadenti assentire deberet. † Sicque bello, quod quasi maximum futurum videbatur, ceterum  
7. lerrimus est finis impositus. † Thassilo tamen postmodum ad regem evocatus, neque redire permissus, neque \* provinciam, quam tenebat ulterius \* præesse, sed Comitibus ad regendum commissa est.

\* N. Quorum.

\* N. Perinde

\* MS. magno.

\* MS. permisit

\* MS. ad defectionem nullo suadenti. L. nulli.

\* MS. provinciam.

\* MS. Duci s.

## ANIMADVERSIONES

## AD CAP. XI.

**H**ortatu Uxor<sup>is</sup> qua filia Desiderii erat] Luitburgam Regino Prumien-  
sis lib. 11. Adelmus Benedict. alijque ad ann. 788. appellant. Impotentis animi pariter ac superbi foeminam fuisse, vel isthac arguunt, quod odio inexplebili post patris exilium in Francos concitata, maritum ad rebellionem stimulaverit, sibi que tandem ac Thassiloni, consiliis male succedentibus, exitium attraxerit. Eleganter Poeta, Carolinae Vitae Scriptor, Annal. lib. 11. v. 346.

*Ejus ut hoc faceret Leutberga suaserat Vxor,  
Qua Desiderii fuerat, quia filia Regis,  
Post patris exilium Francis inimica manebat,  
Femineiq; gerens odii sub pectore flammam,  
Mittere jam populos in summa pericula pravo*



*Consilio studuit, non curans sanguine quanto  
Humani generis fuso, quos utring, perirent  
Millia, dum tantum Francis inferre labores  
Bellorum satagens, nec non dispendia rerum,  
Vlisci patrem tali ratione valeret.*

Hinc Deo odibilem appellat Monachus Egolesm. p. 254. Denique & ipsa detrusa est, post depositionem mariti, tanquam caput & causa malorum, in sui sexus monasterium.

Priusquam Provinciam intraret, animum Ducis per legatos statuit experiri; Prudenter, ut omnia, Carolus, consilio prius, quam armis rem experiundam censuit, juxta *πολιτεία* illud veteris Comici. Similiter cum Desiderio egisse eundem, testis est *Huldericus Mutius* lib. VII. Mittit, inquit, prius legatos, qui verbis agant cum Desiderio, ut Ecclesie reddat possessiones, quas occupat; pollicetur amicitiam; vim prætera magnam se dare velle pecunia, ut res componatur, ne bello tam gravi agendum sit.

Inter quos & Filium suum Theodonem ] Plures Thassiloni fuisse Filios, præter Theodonem, vel ex eo diplomate constat, quo monasterium *Krems* in Austria, fundavit & confirmavit, apparet. Memoratur enim, *Guntherus*, Thassilonis filius, in venatione, ab Apro interceptus. Quam rem tamen *Aventinus* *annal. Bojar. lib. III.* sibi non videri verisimilem refert. Theodonem autem, quem alij *Diethonem* appellant, unâ cum Patre attonsum & in monasterium detrusum, paulo post dicemus. Gravis error est *Tritheimii*, in *Chron.* Ducum *Bajoaria*, Theodonem hunc Thassilonis ex *Luitburga* Filium, à *D. Ruperto Wormatiensi* Episcopo anno 612, baptizatum esse, quod *παρρησια* seculum integrum & amplius concernit.

*Thassilo* tamen postmodum ad Regem evocatus, neq; redire permixsus, ] *Thassilo* *Caroli* consanguineus, ex illustrissimâ & antiquissimâ *Agilolfingorum* gente natus, patrem habuit *Uilonem* *Bajoariae* Ducem, qui raptâ *Pipini Pii* sorore *Hiltrude*, ut clarè *Sigebertus* *ad ann. 743.* Filium Ducem post se reliquit, *Pipini* ac *Caroli* suffragio confirmatum. Qui cum despiceret juventutem *Caroli*, aliquoties moto contra eum bello profectus, in ditionem tamen receptus ac victus: Uxoris mox impotentia ad repetenda arma compulsus, demum propter perfidiam ad *Carolum* in villam *Ingelheim* ad iudicium vocatus est. Ibi crimine læsæ Majestatis à *Bajoariis* accusatum, capitali sententiâ damnatum Procures, intercessione Regis tamen cum Filio tonsus, & monasticæ conversationi mancipatus est, teste *Adelmo* *ad ann. 788.* *Monachi ambo facti sunt*, inquit *Egolesm. p. 253.*



in Otto Monasterio, ubi S. Bonifacius requiescit: Visitur adhuc ejus sepulcrum  
in Monasterio Laurishamensi, cum hac inscriptione:

*Conditur hac foveâ, quem pie Christe beâ,  
Thasilo Dux primum, post Rex, Monachus sed ad imum:  
Idibus in ternis decesserat ille Decembris.*

Neq; provincia quam tenebat ulterius praesse, sed comitibus ad regendum  
commissa est) Intricata lectio, quam Cod. Flor. opè, conjecturâ indubiâ,  
sic constituo: Thasilo tamen postmodum ad Regem evocatus; neque redire per-  
missus: neque provincia, quam tenebat, ulterius Duci, sed Comitibus ad regen-  
dum commissa est:

## C A P. XII.

**H**is motibus ita compositis, Sclavis, qui nostrâ con-  
suetudine Wilfi, propriè vero, hoc est sua linguâ,  
Welatabi dicuntur, illatum est bellum: in quo & Sa- \*MS. aux-  
xiones velut \* auxiliares inter cæteras nationes; xiliares.  
quæ regis signa jussæ sequebantur, quanquam ficta & mi-  
nus devota obedientia militabant. † Causa belli erat;  
quod Abottitos, qui cum Francis olim foederati erant, as-  
fiduâ incursione lacessabant, nec jussionibus coerceri po-  
terant: † Sinus quidam ab occidentali oceano orientem  
versus porrigitur, longitudinis quidem incòperta, lati-  
tudinis verò quæ nusquam centum millia passuum excedat,  
cùm in multis locis contractior inveniat. † Hunc mul-  
tæ circumsedent nationes. Dani siquidem & Sveones,  
quos Nordmannos vocamus, & septentrionale littus, & o-  
mnes in eo insulas tenent. † At littus australe Sclavi, &  
Aisli, & aliæ diversæ incolunt nationes: inter quos vel præ-  
cipui sunt, quibus tunc à rege bellum inferebatur, We-  
latabi, quos ille unâ tantum, & quam per se gesserat, ex-  
peditione ita contudit ac domuit, ut ulterius imperata fa-  
cere minimè renuendum judicarent.